

MIZORAM PUBLIC SERVICE COMMISSION

MIZO LANGUAGE PROFICIENCY TEST (QUALIFYING TEST)

EXAMINATION FOR THE POSTS OF

**SR. GRADE OF MHS UNDER SPECIALIST SUB-CADRE (ANAESTHESIOLOGY),
MIZORAM HEALTH SERVICES (COMBINED), MIZORAM ENGINEERING SERVICE
(COMBINED), MIZORAM GROUP 'B' (GAZETTED) GENERAL SERVICES
(COMBINED COMPETITIVE) AND STAFF NURSE**

GOVERNMENT OF MIZORAM, AUGUST - 2024

Time Allowed : 2 hours

FM : 50

PM : 20

Marks for each question is indicated against it.

Attempt all questions.

1. Heng thupui zinga i duh ber hmang hian, thumal 200 aia tlem loin essay ziak rawh. (10)

- Rinawmna
- Thalaite leh Mass Media
- Chhungkua

2. Letter writing (duh zawk pakhat thlan tur). (10)

- (a) VCP ni ta la, in khaw bialtu MLA hnenah in khaw kawng that loh avanga harsatna in tawh leh a sutkian dan tur kawng ngaihtuahpui tura dilna lehkhathawn ziak rawh.
- (b) Sikul pakhata Headmaster ni ta la, in sikul-a zirtirtu indaih lohna avanga harsatna in tawh leh zirtirtu dil belhna School Education Director hnenah thlenin, lehkhathawn ziak rawh.

3. A hnuaia thu hi ngun takin chhiar la, thu ziak behchhanin zawhnate hi chhang ang che. (10)

Zuk leh hmuamin tur hlahawm (chemical) 7,000 chuang lai a ken tel thu leh kan taksa a tihchhiat theih dan chu kan hre nual tawh awm e. Chuap a khawih chhiat theih dan te, hriatna thazâm (nervous system) a khawih buai theih dan te, lung (heart) hnathawh nasa taka a tihbuai theih dan te, thisen zâmah thau chhia (cholesterol) nasa taka a chhek khawl theih dan te bakah second hand smoke avanga nasa taka kan tawrh ve theih dante pawh kan hre tawhin a rinawm. Amaherawhchu, zûk leh hmuam avanga tha leh zung, sum leh pai tam tak kan khawh ral thin zât hi mi tam zawkin kan ngaihtuah ngai lem lo niin a lang. Chuvangin, tun tumah hian zûk leh hmuam tel lo va nun kan hman avanga thil tha tam tak kan neih phah theihthe zir chhuah kan tum dawn nia.

Global Adult Tobacco Survey (GATS 2009-2010)-in a zir chiannaah chuan Mizoram mipui 67.2% te hian zûk leh hmuam an ti mêk à ni.

Hmasâwnna tura sum leh pai tam tak kan mamawh mek lai hian kan ngaihven loh lam atangin chuangtlai takin sum leh pai tam tak kan khawh ral nasa êm êm lawi si. Mahni chhungkua theuh zir chianna kan neih a pawimawh a, chu kan inzir chianna atang chuan hmasawn duhna rilru thar nen zûk leh hmuam leina tur atan tul lo taka sum kan khawh ral hi kan titawp thei ngei ang. Chu chuan chawp leh chilhin kan chhungkaw khawsakah danglamna leh hmasawmna a thlen ang a, khawtlang leh ram pum huapin kan chhungkaw khawsakna, ei leh bâr zawmna lamah pawh hma kan sâwn phah ngei a rinawm a ni.

Hriselna tha kan neih avanga hlim tlang taka chhungkua kan inhmu khawm te, hun kan hmang ho thei thin te hi a hlutzia kan hre thiam phak ngei tur a ni. Hmun tam takah vanduaiana avanga chhungkaw tam tak damlohna leh harsatnain a tlakbuak mekte an awm a. Chutih lai chuan kan thil chin tha lo (zuk leh hmuam, damdawi hman sual, leh ruih theih thil dangte) avanga harsatna leh natna tuar mekte pawh kan thahnem hle a ni. Natna neia kan bawrhawm hian keimahni bakah min hmangaihtu kan nu leh pa, unaute, thenawm khawvengte thlengin tihbuai chang kan neih phah thin a. Harsatna kan tawh chuan theih tawp chhuahin kan intanpuin kan inbawihawm tur chu a ni teh meuh mai a; amaherawhchu, mahni cho chhuah avanga harsatna kan insiam chawp lohna turin theih tawpin thil tha lo lakah kan inthiar fihlim a pawimawh a ni.

ZAWHNA:

- (a) Engtin nge mi dangte kan tihbuai thin?
- (b) Engtin nge chhungkuaah hmasawmna kan neih theih ang?
- (c) Eng pawlin nge Mizoram mipui zuk leh hmuam tizat zirchiang? Eng zat percent nge?
- (d) Mi tam zawkin kan ngaihtuah ngai lem loh ni a lang chu eng nge ni?
- (e) Zuk leh hmuamin kan taksa peng hrang hrang a tihchhiat theihthe chu engte nge?

4. A hnuaia hla thu hi ngun takin chhiar la, hla thu behchhan zawhnate hi chhang ang che.

(10)

1. "Hlau suh, ka awmpui che,"

Rangka eng zam hian,

Ropui chung siar ang

Ka kawng a rawn en.

Zan khawdur hnuaiah pawh

He tiamthu a eng;

"Ka kalsan lo vang che,

Malin i awm lo'ng" a ti.

Malin ka awm lo'ng,

Ka hnenah a awm;

Aman min awmpui a tiam si,

Mah riakin ka awm ngai lo'ng.

2. Kan vel rose pangpar leh

Lili par an chuai;

Lei ni eng a ral hnuin,

Thangvan eng rii ri.

Isua, Saron par mawi,

Vul lai a chul lo;

Isua, chunglum laini,

Malin min kalsan lo vang.

3. Hmatiang hmuh lawk loh kawng,

Hlahawm a hnai thei;

A hnai zawk Chhandamtu'n,

"Thlamuang rawh," min ti.

Khua thal sirva te ang,

Lunglai ka lawm ta,

Hlimin ka zai zel ang,

'Min kalsan lo vang,' tiin.

- (a) He hla phuahtuin “Ka kawng a rawn en” a tih hi eng nge?
- (b) Leia chuai leh mai thinte chu engte nge?
- (c) He hla thunawn hian a sawi tum ber nge nge ni?
- (d) He hla phuahtu lawm takna chhan ber hi eng nge ni?
- (e) He hla phuahtuin ‘chul lo’ a tih hi eng nge?

5. Heng a hnuaia zawhnate hi chhang rawh:

(5)

- (a) Personal pronoun sawifiah rawh.
- (b) Noun leh Pronoun hrilhfiahtu kha eng nge ni?
- (c) Verb chi hrang pathumte sawi rawh.
- (d) Tense chi hrang hrang eng zat nge kan neih? Engte nge?
- (e) Adverb chi hrang hrang eng zat nge kan neih? Engte nge?

6. A hnuaia Mizo thufing leh tawng upate hi a awmzia sawifiah rawh.

(5)

- (a) Tuisik leh tha zawng a pun leh thin.
- (b) Mi awkhrawl an hlawhtling rih thei; mahse an tlu phut thin.
- (c) Arpa chan lai.
- (d) Awmni kham.
- (e) Bel chhung sa.

* * * * *